

有如何事哉、廿一日、今日可有御即位分也、早旦令用意之處、雨時々下、仍實否未定也、見物衆男女簇、物忿無是非、至巳刻許而尙添聲、仍被延引了、廿二日、天未晴、雖然各令用意、有無如何之由相尋奉行之處、治定之由示之、仍忿參內了、老若男女如雲霞、御警固之事、右京大夫被官人圍四方御門了、午前屬晴大慶々々、則被始行、申刻許令退出了、公私大慶何事如之、珍重々々、參仕無事、自愛此事也、抑親王代事作法第一之大事云々、

〔國史實錄後十八〕天文五年二月、行即位禮、初天皇即位、而十年于斯、數歲之兵革財課悉盡、公武零衰、故不行其禮、今歲大內義隆獻其料、於是初行之、因以義隆補太宰大貳、

〔本朝通鑑正親町〕永祿二年十一月癸未、勅定來春即位日時、并擬侍從、權大納言藤國光爲上卿、帝踐祚三年、度支乏而大禮遲引、毛利元就獻經營料、故議定其事、源義輝爲元就奏請賜菊桐紋、改右馬頭任大膳大夫兼陸奥守、義輝加授直垂、以列相伴衆、元就先祖大江廣元在鎌倉、任大膳大夫、又爲陸奥守、今追其例、

○按ズルニ、後柏原後奈良、正親町三帝ノ御即位延引セシハ、何レモ用途ノ不足ニヨレリ、上ノ用途ノ條參看スベシ、

無神器而即位

〔玉海〕壽永二年九月十九日辛巳、今日宮內權少輔親經來、余隔簾謁之、中抑不受劍璽踏天下之佳例、人代以來、曾無蹤跡、依一日不可容實位、猶踐祚者被忿行、雖理可然、至于即位之時、猶試可有此沙汰歟、非嘗遺無例之恨、殆可爲招亂之源歟、因茲暫延引此大禮、試被待彼三神如何、此條定叶神明宗廟之靈意、自有鏡劍璽符之歸來者歟、若然者、須指彼期殊有所請也、凡朝廷大事、莫過劍璽紛失、而君臣共不歎此事、去七月廿六日以後、天下之巨務觸事雖多、至于此條者、一切如無沙汰、賊徒盜取、逐電了、實計略雖難及志之所之、或廻籌策、殆可被忘他事之處、已不被重此大事、冥靈有恐歟、早定即位之期、彼以前無爲無事可有彼歸來之由、付內外可有祈願之由、中心所庶幾也、然而不能上疏、今就此聖問、達愚意許也者、三年元曆六月廿四日辛丑、午刻頭辨光雅朝臣、御即位之間條々來、院宣云々、